

SKILMÁLAR

Landspítala – háskólasjúkrahúss (LSH) og Háskóla Íslands (H.Í.) um þátttöku nemenda í klínísku námi á LSH

Í samræmi við samstarfssamning Landspítala – háskólasjúkrahúss og Háskóla Íslands tekur spítalinn við nemendum í heilbrigðisvísindagreinum og veitir aðstöðu til klínískrar kennslu, þ.e. kennslu sem byggist á skoðun og meðferð sjúklinga, auk samskipta og upplýsinga sem tengjast sjúklingum. Klínísk kennsla tekur hvort tveggja til sjúklinga er liggja á sjúkrahúsinu og göngudeildarsjúklinga.

Um klínískt nám á spítalanum gilda eftirfarandi skilyrði:

1. Aðgangur að þjónustu o.fl.

Nemandi í [heilbrigðisvísindagrein] sem stundar klínískt nám á LSH nýtur tiltekinna réttinda meðan á náminu stendur. Þessi réttindi fær nemandinn á sömu kjörum og með sömu skilmálum og starfsmenn spítalans. Um er að ræða:

- ~~---~~ Aðgang að mötuneytum LSH og almennri aðstöðu starfsfólks á þeim deildum þar sem þeir stunda klínískt nám.
- ~~---~~ Afnot af vinnufatnaði og læsanlegum fataskápum.
- ~~---~~ Afnot af bílastæðum.
- ~~---~~ Aðgang að bókasöfnum.
- ~~---~~ Aðgang að fræðslu sem LSH stendur fyrir innan spítalans.
- ~~---~~ Aðgang að nýsigagnagerð og upplýsingaþjónustu LSH, enda liggja fyrir heimild til þess að bókfæra kostnað vegna þjónustunnar.

Aðgangur að almennri heilsugæslu og heilbrigðisþjónustu LSH fellur ekki undir þessa skilmála.

2. Skyldur nemenda

Nemandi í [heilbrigðisvísindagrein] sem stundar klínískt nám á LSH skal bera auðkenniskort, undirrita þagnarheit, fara í heilbrigðiseftirlit með sama hætti og þeir sem ráðnir eru til starfa á LSH og uppfylla aðrar hliðstæðar kröfur sem gerðar eru til starfsmanna LSH.

3. Samningsbundin réttindi

Nemandi í [heilbrigðisvísindagrein] sem stundar klínískt nám á LSH, en er jafnframt starfsmaður spítalans fær laun og önnur réttindi í samræmi við gildandi kjarasamninga. Það fer eftir ákvæðum einstakra samninga hver þessi samningsbundnu réttindi eru, en ráðningarsamningur er gerður hverju sinni.

4. Ábyrgð gagnvart sjúklingum

Nemandi í [heilbrigðisvísindagrein] sem stundar klínískt nám á LSH, ber ábyrgð á því að fara ævinlega að fyrirmælum þeirra starfsmanna spítalans eða Háskólans sem hverju sinni koma að klínískri kennslu og tengdri þjónustu við sjúklinga. Þá skal nemandinn ætíð koma fram við sjúklinga í samræmi við siðareglur þess starfs sem hann er að mennta sig til.

Ákvæði laga um sjúklingatryggingu nr. 111/2000 gilda um nemandann meðan á klínísku námi hans stendur, enda er þátttaka hans í þjónustu við sjúklinga á ábyrgð þeirra starfsmanna

spítalans og Háskólans sem leiðbeina honum hverju sinni. Helstu ákvæði laganna eru tekin upp í fylgiskjali.

5. Bólusetningar og öryggisráðstafanir

Nemandi í [heilbrigðisvísindagrein] fær tilboð um bólusetningu við lifrabólgu B áður en hann hefur klínískt nám á LSH. Þá undirgengst hann berklapróf. Hafi nemandinn starfað á sjúkrastofnun erlendis síðast liðna tólf mánuði ber honum að fara í mósaræktun og viðeigandi mótefnaþæðingar til öryggis fyrir sjúklinga og starfsfólk spítalans.

Nemandinn undirgengst annars þær öryggisráðstafanir sem almennt gilda um starfsmenn spítalans á hverjum tíma. Verði nemandinn fyrir stunguóhappi eða öðrum atvikum innan veggja LSH sem geta haft áhrif á heilsu hans ber honum að tilkynna samkvæmt gildandi reglum LSH. Sama gildir ef nemandinn er valdur að atvikum sem geta haft neikvæð áhrif á heilsu samstarfsmanna eða sjúklinga.

Ráðstafanir sem gripið er til vegna slíkra óhappa eru nemandanum að kostnaðarlausu.

6. Tryggingamál

Frá og með 1. janúar 2004 er nemandi í [heilbrigðisvísindagrein] sem stundar klínískt nám á LSH, slysatryggður skv. III. kafla laga um almannatryggingar. Nemandinn nýtur ekki frekari tryggingaverndar af hálfu opinberra aðila, en hann er eindregið hvattur til þess að íhuga stöðu sína og þá vernd sem einkaváttryggingar veita. Tryggingafélög bjóða nemendum tryggingar í námi.

7. Þagnarheit

Með undirritun sinni á þessa skilmála staðfestir nemandinn að honum er skylt að gæta þagnælsku um atriði er hann fær vitneskju um í námi eða starfi á LSH og leynt skulu fara samkvæmt lögum, yfirmælum yfirmanna eða eðli máls. Þagnarskyldan helst þótt látið sé af starfi, náminu lokið eða því hætt. Öll vitneskja um sjúklinga, sjúkdóma þeirra og meðferð er að sjálfsögðu háð þagnarskyldu.

F.h. skrifstofu starfsmannamála LSH

Undirritun nemanda:

F.h. ...deildar Háskóla Íslands

Dagsetning: _____

Fylgiskjal.

Samstarfssamningur Háskóla Íslands og Landspítala-háskólasjúkrahúss (upphaflegur samningur frá 10. maí 2001 og viðbótarsamningur frá 28. júní 2002) er á vefnum. Sjá slóðina:

http://kaldur.landspitali.is:8080/GoProWeb/gpweb.nsf/htmlpages/samningur_hi_lsh

Athygli er vakin á ákvæðum um heilsu- og tryggingavernd nemenda í 3. kafla viðbótarsamnings, sem og ákvæðum um þátt starfsmanna LSH í klínísku námi.

Nemendur eru hvattir til þess að kynna sér ákvæði eftirfarandi laga og reglna:

Lög um réttindi sjúklinga nr. 74/1997

Sjá einkum 11. gr. *Þátttaka í þjálfun og kennslu nemenda:*

„Skýra ber sjúklingi frá því ef fyrirhugað er að nemendur á heilbrigðissviði verði viðstaddir meðferð á honum vegna þjálfunar og kennslu þeirra. Sjúklingur getur neitað að taka þátt í slíkri þjálfun og kennslu.“

Lög um almannatryggingar nr. 117/1993 með síðari breytingum

Sjá III. kafla um slysatryggingar einkum 24. gr.:

„Slysatryggðir samkvæmt þessum kafla eru: [...] háskólanemar og nemar í starfsnámi sem stunda nám í heilbrigðisgreinum og raunvísindum þegar þeir sinna verklegu námi.“ Gildistaka 1. janúar 2004.

Lög um sjúklingatryggingu nr. 111/2000

Sjá einkum 1., 2., 8. og 9. gr.